



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus I. De impedimento ex conditione.

[urn:nbn:de:hbz:466:1-73058](#)

ergo etiam matrimonium consummatum dissolvitur per lepram alteri supervenientem. & transmissa in praesens majori negotio min. Nam textus in cit. c. fin. loquitur tantum de casu, quo sponsalibus de futuro supervenerit lepra; & resolvit, sicut nunc non esse cogendum ad matrimonium *consummandum*, hoc est, *ineundum*. Matrimonium enim prius consensu mutuo consummandum, seu perficiendum est, quam copula carnali.

1037. Instabis: *in c. proposuisti. 18. caus. 32. q. 7.* Gregorius III. consultus à Bonifacio Episcopo, utrum viro, cuius uxor propter infirmitatem debitum reddere nequibat, liceret secundum matrimonium celebrare? Respondit: *bonum esse, si sic permaneat; si autem noluerit, posse aliam uxorem accipere*: ergo propter infirmitatem supervenientem, tam quoad thoracum, quam quoad vinculum, matrimonium dissolvitur & per consequens non recte in praesenti docetur, per lepram su-

pervenientem conjugi, non dissolvit matrimonium.

Ad hanc difficultatem variae sunt responsiones Doctorum; rectior explicatio videtur esse, quæ dicit, Gregorium in dicto c. *Quod proposuisti*, agere de muliere, quæ inventa est ita arcta, & inutilis matrimonio, ut cognosci à viro non possit, propter aegritudinem, quam ignorabat maritus tempore, quo matrimonium contraxit; nam eo casu matrimonium nullum est c. 1. *de frigidis & malef.* Sic Archidiaconus, Turrecremata, & Card. Bellarminus l. 4. *de Rom. Pontif. c. 13.* a-pud Barbos. *in cit. c. quod proposuisti, n. 2.*

Si opponas: ex textu non apparet, quod prius matrimonium fuerit nullum; cum dicat, non debere virum à priore uxore debitum subsidium auferre; Respondet cum gloss. hic, V. *nubat*, intellegi de dote restituenda; aut si de alio subsidio accipiatur, esse consilium.

QUÆSTIO IX.

In Titulum IX. De Conjugio Servorum.

Hoc titulo agitur de impedimento dirimente matrimonium, quod nascitur ex conditione servili, dum liber cum serua; vel libera cum servo contrahit, putans liberum. Et quoniam in hoc tangitur quæstio de errore conditionis, & cultus seu religionis diversitate, simul exponemus h. t. impedimentum dirimens, quod inducit error conditionis & disparitas cultus.

ARTICULUS I.

De impedimento ex conditione.

1039. Per conditionem, prout explicat impedimentum dirimens matrimonium, non intelligitur nisi *conditio servilis* (uti patet ex inscriptione hujus tituli) adeoque conditio & status illorum hominum, qui sunt servi *civiliter*, seu *legaliter*; hoc est, qui ex dispositione legis civilis ita subjiciuntur alieno dominio, ut id, quod sunt, Domini sit, ad operas, & utilitates, quæ ex ipsis percipi possunt. Haec subjectio jure civili quatuor modis seu titulis introducta est, nempe jure belli, nativitate, justa condemnatione, acemptione, sic Pereyra in

Elucid. l. 2. n. 825. Hinc illi, qui nullo ex praemissis titulo servi sunt, hic intelliguntur sub nomine hominis *liberi*, quo posito:

Communis regula est: quod *conditio servilis ignorata dirimat matrimonium* inter liberum & servam; vel servum, & liberam. Hinc quando liber contrahit cum serua, putans liberam; vel libera cum servo putans liberum, matrimonium ex hac conditione ignorata, est nullum. c. *si quis homo ingenuus. 29. q. 2. c. fin. h. t. ibi: si confiterit, quid ignoraverit contraxerit cum ancilla, ita, quid, postquam intellexit conditionem servilem ipsius, nec facio, nec verbo conserferis in eam, contrahendi cum alia libera ipsi concedas*, auctoritate apostolica facilitatem. Ex quo clarè sequitur conditionem servilem, ignoratam à libero, vel libera, diteme matrimonium ejus cum serua, vel servo.

Not. autem 1. quod hoc procedat, et iam si servitus esset *solum temporalis*; cum satis sit pro eo tempore, quo contrahitur, servam esse, etiamsi libertas promissa sit,

aut debita, ut colligitur ex L. statu liberum ff. de statu liberis. Et ideo statu libera servum parit. L. statu libera 16. ff. eod. ita Zoëlius h. t. n. 3. Not. 2. hoc impedimentum non esse juris naturalis, sed tantum Ecclesiastici; cum non impedit voluntarium simpliciter hujus statutus ignorantia, nec liberum usum matrimonii, nisi ad tempus; ita Zoëlius h. t. n. 2. Not. 3. si liber scienter contrahat cum serva, validè contrahere: quia sic conditio non est ignorata, nec obest, sive servitus sit perpetua, sive temporalis. Not. 4. si servus cum serva contrahat, matrimonium valere, cum nulla subsit laesio, & par utriusque conditio. Idem est, si quis ex servis contrahat cum libera, putans servam; nam cum sic hujus conditio sit melior, alter non potest esse invitus. Not. 5. Si quis conjugum post matrimonium ritè contractum evadat servus, non propterea solvi matrimonium, ut dicetur infra de divortio; quia nullibi constitutum est, quod servitus superveniens matrimonio ritè contraacto, illud dirimat.

1044. Not. 6. jure canonico inter servos, vel inter liberum & servam, subsistere matrimonium, adeò, ut invitis dominis validè contrahant, ne detur illis ansa fornicationis c. i. h. t. ibi: fanè juxta verbum Apostoli, sicut in Christo JESU neque liber, neque servus est à Sacramentis Ecclesiæ removendus, ita nec inter servos matrimonia debent ullatenus prohiberi; & si contradicentibus dominis, & invitis contracta fuerint, nullà ratione sunt propter hoc diffidenda. Debita tamen, & consueta servitia non minus debent propriis dominis exhiberti; per hoc tamen servi non liberantur à servitiis domino debitis; licet non debeat eos dominus sic occupare, ut non possint convenienti tempore matrimonio vacare, vel debitum reddere; quia cum per Canones habeat jus ad matrimonium, habet & jus ad ejus usum; & ratio est ex cit. c. i. quia juxta verbum Apostoli, sicut in Christo JESU, neque liber, neque servus est à Sacramentis Ecclesiæ removendus, ita nec inter servos matrimonia debent ullatenus prohiberi.

1043. Unde, dum Concilium Cabilonense, relatum c. fin. 29. q. 2. de servorum conjugiis non dirimendis, ait: *hoc in illis observandum, quorum conjunctio legalis*

Not. 7. validum esse matrimonium li- 1044.

berti cum serva, aut servi cum libera, quam ancillam credebat; sicut etiam, si servus accepit ancillam, quam liberam putabat. Nam hic error non attulit libero, aut ser-vo cum libera, existimatà servâ, nec ser-vo cum ancilla, existimatà liberâ, conditionem deteriori. Hac tamen intel-lige, nisi consensum suum simpliciter al-ligasset qualitati, quam ex errore crede-bat inesse alteri. Tunc enim jure natura-li nullum esset matrimonium, defectu consensu.

Not. 8. in casu, quo liber agnoscat, an- 1045-

cillam esse, cum quâ contraxit, liberam ra-tius, ei, si velit, propriâ autoritate licere ab ejus thoro, & conjugali commercio re-cedere (cum matrimonium nullum sit) ni si verbo, vel facto, post cognitam conditio-nem servilem ipsius, in eam consensisset: ad aliud tamen matrimonium transtire si-ne judicio Ecclesiæ, matrimonii nullitatem declarantis non posse, prout dicemus in-fra de divort. *Dixi*, nisi facto in eam con-senserit. Nam si post notitiam de servili conditione ipsius, nihilominus eam carna-liter cognovit, jure antiquo evasit matri-monium præsumptum præsumptione ju-ris de jure, ut alibi dictum est; quod tam-en hodie locum non habet, ubi matri-monium est præsumptu solâ præsumptio-ne consensus, juxta dicta superius; nisi ibi, ubi decretum Tridentini non habet locū.

Not. 9.

1046. Not. 9. quando diximus conditionem servilem ignoratam à libero, matrimonii valori obstat, non intelligi de servis, solum adscriptitiis, seu obligatis fundum colere, & à culturâ vel possessionibus in vita domino non recedere; nec etiam de originariis, qui icilicet ex adscriptitiis nati sunt: sed illis tantum, qui propriè servi sunt, juxta jam dicta.

1047. Not. 10. contra valorem conjugii servorum invitatis dominis contracti, plura utroque jure opponi, & 1. ex jure civili, ubi matrimonia servorum dicuntur contubernia, non matrimonia L. 14 ff. de ritu nupt. & alibi. 2. quia matrimonium non stat sine voluntate, c. cum locum, de sponsal. in servis autem non est voluntas, ex Regula Velle non creditur ff. de regul. jur. 3. quia matrimonium non stat sine potestate faciendi traditionem corporis; at servus talem potestatem non habet, ut constat ex definitione servi; quomodo ergo possunt in nuptiis consentire, aut corpus suum alij tradere? 4. Matrimonia servorum sine domini voluntate contrata ab Ecclesia non defenduntur, ut docetur in Concil. Aurel. 4. can. 23. alias 24. ibi: *Quaecunque mancipia sub specie conjugij ad Ecclesie confugerint septa, ut per hoc credant, posse fieri conjugium, minime eis licentia tribuatur, nec talis conjunctio à clericis defendetur.* Cabilon. 2. can. 30. cap. fin. 29. q. 2. D. Bafilius ad Amphiloch. can. 42. ibi: *Quæ sine his, qui habent potestatem, sunt matrimonia, sunt fornicationes: nec ergo vivente patre, nec domino hi, qui convenient, sunt ab accusazione liberi, donec conjugio domini annuerint; tunc enim accipit firmitatem conjugium.*

1048. Confirmatur: nam si vera esset ratio adducta ex c. i. h. r. videlicet, quod nec liber nec servus est à Sacramentis Ecclesiæ removendus, sequeretur, quod nec à Sacramento ordinis arcerentur: sed tam juxta antiquos, quam novos Ecclesiæ Canones, servi ad ordines sacros admitti non possunt, nisi prius à dominis plenè manumittantur, cap. 1. de servis non ordin. igitur ratio ibi adducta à Pontifice sustincri non potest.

1049. Resp. in causis matrimonialibus, præsertim de valore, non esse deferendum juri civili, sed Canonico, ut alias dictum

c. 3: sed jure canonico matrimonia servorum etiam invitatis dominis inita tanquam valida probantur ex dict. à n. 1040. ergo. Quod dicitur, corum matrimonia jure civili appellati contubernia, ex eo est, quod ejus consideratione servi personæ non habeant, & pro nihil repudientur, L. quod attinet, ff. de reg. jur. hinc inspeçto jure civili non dicebantur contrahere matrimonium sed contubernium, quæ vox sumitur pro convictu, & fodalitate; & in servis appellatur, quod in Quiritibus est, matrimonium, ut ait P. Benedictus Pereyra in Elucidar. n. 1057.

Ad 2. in n. 1047. q. dist. ma. matrimonium non stat sine voluntate in illis omnibus, quæ sunt juris civilis, & ex quibus possit præjudicari domino, neg. ma. sine voluntate alteri constituendi jus sui corporis ad usum conjugalem conc. ma. sed nego hanc voluntatem non inesse servis; cum domino non subjiciantur in iis, quæ sunt juris naturalis. Nam in his propriæ voluntate reguntur.

Matrimonium autem est juris naturalis, ergo. ad 3. ibid. q. non requiri ad matrimonium potestatem tradendi alteri corpus, nisi quantum requiritur ad usum conjugalem pro generatione prolis; quam jus civile (utpote jure naturali competenter) servis admovere non potuit.

Ad 4. desumptum ex authoritatibus Concilii Aurelianensis & S. Bafili, respondet Bafilius Pont. l. 7. de mair. c. 42. in veteri Ecclesia matrimonia servorum sine domini consensu contracta, quia erant in grave præjudicium domini, siue separata etiam quoad vinculum; rectius tamen dicitur, solum quoad thorum, & pro iis tantum casibus, ubi dominorū obsequia debita impediabantur. Vix enim credibile est, matrimonia servorum tandem non siue consummata, dum ad instantiam dominorum rescinderentur, tanquam rata tantum.

Ad confir. in n. 1048. q. inter Sacramentum matrimonii, & ordinis recipiendum à servo, difcrimen esse; nam error qui antecedit, & verlatur circa servilem conditionem personæ, cum qua contrahitur cuin tali errore, tollit voluntarium seu consensum in personam, sine quo non stat matrimonium; unde si talis error non intercedit, sciens conditionem perfonx,

sonæ, non removetur à sacramento matrimonii; quia per hoc non præjudicat servus domino in his, in quibus ei subsistit; quæ ratio non invenitur, ubi servus ignorantie domino recipit sacramentum ordinis. Quare in eo argumento N. sequelam.

¹⁰⁵³ Ex iure autem canonico, contra matrimonia servorum primo, objicitur c. non o-
mnia 32. q. 2. ibi: nuptiarum autem ge-
ntra inter ingenuos sunt legitima; ergo
non servorum. 2. c. unicus. 33. q. 3. ubi sta-
tuit Pelagius, quod, si nepos habet patrem
servum, avunculus vero liberum, & de ejus
nuptiis agatur, avus consentire debet;
non vero; pater, qui est servus; quia libe-
rum arbitrium non habet. Ex hoc enim
sic arguitur: servus ita nuptiis filii non ha-
bet liberum arbitrium; ergo nec in suis;
ergo defectu liberi arbitrii matrimonium
contrahere non potest: 3. c. illud 11. de
præsumpt. ibi: mulier vero instrumentum
illud offerens vitiosum; ut seruo dominus
fraudaretur. Ex quibus deditur, fer-
vimi matrimonium contrahendo priva-
re dominum suum dominio: 4. ex c. 20.
Concilij Vermer. cuius titulus est: ut char-
tarius, qui cum ancilla fornicatur, eam
libertate donatam uxorem habere cogat-
tur; ex quibus verbis deditur, quod
ad hoc, ut matrimonium contrahatur
cum ancilla, desideretur, ut prius manu
mittatur: Denique in c. 12. CC. Tolitan. 9.
non solum servis, verum & libertis prohi-
bitum est ingenuas mulieres in uxores ac-
cipere: ergo non recte in præsentis doce-
tur, inter servos, & inter hominem libe-
rum; & ancillam, matrimonium subsi-
stere posse.

¹⁰⁵⁴ R. ad 1. in c. omnis, ibi, per matrimonia
legitima intelligi solenniter celebrata; &
non legitima, non invalida, sed solum mi-
nius solenniter celebrata juxta id, quod
exposimus l. 4. decretalium; ibi enim
Leo Papa solum intendit, constitere di-
scrimin, quod est inter uxorem legitimam;
& uxorem non legitimam ductam, omisis-
se licet solennitatibus matrimonio extrin-
secis; hinc sensus illius textus est, solum
inter ingenuos esse conjugia legitima, hoc
est solennia, de quo plura l. 4.

¹⁰⁵⁵ Ad 2. R. ibi suffit desideratum in nu-
ptiis filii non arbitrium Patris servi, sed avi
liberi, quia ille, de cuius nuptiis agebatur,
non erat in potestate patris, sed avi.

Is e-

nim, qui in alterius potestate est, aliud sub
sua potestate habere non potest. L. is, qui
in potestate, ff. de regul. jur. consequenter
ex eo textu non argui nullitatem matri-
monii à servis contracti; quia consensus
parentum, vel majorum, non est de sub-
stantia matrimonii.

Ad 3. ibid. R. ex hoc, quo servus in-
scio domino initiv matrimonium, domi-
num non privari dominio suo in his, qd illi
debet servus, ut diximus n. 1042. nec
iustus eo textu probari; præsertim, quod
verba ex textu allegata non sint verba
Pontificis incidentis, sed mulieris illam
exceptionem opponentis, quoniam à Pontifi-
ce audiatur.

Ad 4. R. Patres illius consilii nihil a-
liud voluisse, quam quod si liber eum an-
cilla fuerit fornicatus, malumissam debeat
in uxorem accipere; qui propterea ne-
garent accipere, dum adiuvat ancilla erat,
quamvis tunc cogi non posset ad eam ac-
cipiendam.

Ad 5. ex CC. Tolitan. R. ibi agi de ma-
trimonio liberti Ecclesiæ cum ingenua;
& propterea inhibitum fuisse, ne Ecclesia
detrimentum caperet; quia cum proles,
ex tali matrimonio suscepit, sequatur ven-
trum; seu cotidieni matris ingenuæ,
hoc ipso eximebatur ab obsequiis, & one-
ribus Ecclesiæ præstandis ab ejus libertis,
ut constat ex Canone sequenti, ibi: si con-
tingat quenamque de libertis Ecclesiæ, co-
rrumque profapia contra primævas, moder-
nisque Patrum regulas, quibuslibet perso-
nis ingenuis copulari; tam illis, quam eo-
rum spiri non licet ab Ecclesia patroci-
nio evagari, sed ad debita obsequia rever-
tit cogendi sunt.

ARTICULUS II.

De impedimento ex disparitate Cultus.

Cultus disparates hic dicuntur, qui sunt 1059.
diversa religionis, unde cultus disparitas
supponit hic pro diversitate fidei, seu reli-
gionis inter contrahentes, qualis est inter
baptizatum, & non baptizatum. Hæc
cultus disparitas dirimit matrimonium
contrahendum; & cum ea contractum
dissolvit, prout hoc testatum fit ex con-
stanti confuetudine Ecclesiæ, à temporis
Apostolorum, ut constat, ex 2. cor. 6.
ubi hunc textum nolite jugum ducere cum
infidelibus exponit S. Hieron. l. 1. advers.
Jovian.

Nn

Jovian.